



ԽԱՂԱՂՈՒԹՅԱՆ ՊԱՅՔԱՐԻ ԺԱԿԱՏՈՒՄ

ՓՐԵՓԵՐԻԿ ԺՈՒՌ-ԿՅՈՒՐԻ ԿՅՅՏԱՐԱՐՈՒԹՅՈՒՆԸ

ՊՐԱԳԱ, 1 օգոստոսի (ՏԱՍՍ).— Խաղաղության Համաշխարհային Խորհրդի քարտուղարությունը մամուլում հրապարակելու համար հանձնել է Խաղաղության Համաշխարհային Խորհրդի նախագահ Ֆրեդերիկ ժոլիո-Կյուրիի հայտարարությունը, որի մեջ ասվում է.

Կորեայում զինադադարի ստորագրումը երկրագնդի բոլոր ժողովուրդներն ընդունեցին լերկությանքով, որովհետև դա Խաղաղության մեծ հաղթանակն է: Կորեական ժողովրդի այդ հաղթանակը ձեռք է բերված մեծ զոհերի ու տառապանքների գնով: Դա նաև հարյուր միլիոնավոր տղամարդկանց և կանանց հաղթանակն է, որոնք բոլոր երկրներում հարաձուռ ուժով պահանջում էին այդ պատերազմի ավարտումը: Զինադադարի ստորագրումը կրակը անհապաղ դադարեցնելու պահանջի արդյունքն է, այն պահանջի, որը ձևակերպվեց ժողովուրդների Վիեննայի կոնգրեսում: Մեծ նշանակություն ունեցող այդ իրադարձությունը հաստատում է, որ ճիշտ ու ժամանակին էր Խաղաղության Համաշխարհային Խորհրդի կոչը, որը պնդում է, թե բանակցությունները և համաձայնությունները հնարավոր են:

Զինադադարի ստորագրումը, որը ձեռք բերվեց՝ չնայած բազմաթիվ դժվարություններին, չնայած ամեն տեսակ օբստրակցիաներին, ներկայումս ավելի ակնհերե է դարձնում, որ հնարավոր են բանակցություններն ու համաձայնությունները մյուս կոնֆլիկտների կամ վիճելի հարցերի խաղաղ կարգավորման համար:

Այդ առաջին արդյունքը, այսպիսով, իրենից ներկայացնում է հզոր ազդակ՝ բանակցությունների օգտին կամպանիա մղելու համար, որի սկիզբը դրել է Խաղաղության

Համաշխարհային Խորհրդի կոչը: Կատկած չկա, որ հասարակական կարծիքի ճնշումը ներկայումս կդրսևորվի աճող ուժով, որպեսզի պահանջի կարգավորելու բոլոր մյուս պրոբլեմները, ինչպես, օրինակ, Վիետնամում պատերազմի ավարտումը: Սակայն պետք է նշել նման կարգավորմանը ցույց տրվող համառ օպտիցիան: Ինչ վերաբերում է Կորեային, ապա հնարավոր է, որ կձեռնարկվեն նոր փորձեր՝ վիժեցնելու ձեռք բերված համաձայնությունը, կամ խանգարելու այնպիսի նոր համաձայնությունների կնքմանը, որոնք նպատակ կունենան ապահովել արդարացի խաղաղությունը այդ շրջանում:

Հետևաբար, շափազանց վարեոր է, որպեսզի ամենուրեք շարունակվի այն գործունեությունը, որը ձգտում է արագացնել բանակցությունները և տապալել այն մեքենայությունները, որոնց նպատակն է հետաձգել բանակցությունները կամ խոչընդոտ հարուցել նրանց հաջող ավարտմանը: Դրանումն է կայանում Խաղաղության Համաշխարհային Խորհրդի կոչի հիման վրա մղվող կամպանիայի նշանակությունը:

Բանակցությունների օգտին այդ կամպանիան ներկայումս ծավալվել է երկրագնդի զխալոր երկրներում և ունի բազմազան ձևեր: Այդ կամպանիան հնարավորություն է տալիս անցկացնել ամենատարբեր միջոցառումներ, որոնք ելնում են ոչ միայն խաղաղության պաշտպանության ազդային շարժումներից, այլև այն կազմակերպություններից ու ասոցիացիաներից, որոնք արտահայտվում ու գործում են նույն ոգով:

Խաղաղության Համաշխարհային Խորհրդի Բյուրոն, որը կգումարվի մոտ ժամանակներս, կուսումնասիրի ձեռք բերված առաջին արդյունքները: Ես կարծում եմ, որ նա կանի

այնպիսի հետևություններ, որոնք թույլ կտան մեկ նպատակի՝ խաղաղության նպատակին հասնելու համար միավորել բոլոր նրանց, ովքեր այսօր գործում են հօգուտ բանակցությունների: Այդ կամպանիայի նպատակն է ստեղծել միջազգային դրուժյան լարվածության իսկական թուլացման պայմաններ: Կոնսալում կնքված գինադադարը, ինչպես նաև

բարձրագույն ոլորտներում մեծ տերությունների հանդիպման հավանականությունը, որ խոստովանում են որոշ կառավարություններ, հանդիսանում են այն տարրերը, որոնք ցույց են տալիս, թե այսօր այդ նպատակը մոտիկ է:

(«ՍՈՎԵՏԱԿԱՆ ՀԱՅԱՍՏԱՆ», 2 օգոստոսի 1953 թ.)

ԽՆԴԱՂՈՒԹՅԱՆ ՊԵՃՏՊԵՆՈՒԹՅԱՆ ՍՈՎԵՏԱԿԱՆ ԿՈՄԻՏԵ

Պ Լ Ե Ն Ո Ւ Մ Ը

Օգոստոսի 31-ին Մոսկվայում, Միությունների Տան Հոկտեմբերյան դահլիճում կայացավ խաղաղության պաշտպանության Սովետական կոմիտեի ընդլայնված պլենումը, մասնակցությամբ խաղաղության պաշտպանության ռեսպուբլիկական, երկրամասային և մարզային կոմիտեների ներկայացուցիչների: Պլենումին ներկա էին նաև հասարակական զանազան կազմակերպությունների ներկայացուցիչներ, գիտության ու վոլոտորայի գործիչներ, արդյունաբերության ու գյուղատնտեսության առաջավորներ, խաղաղության համար մղվող պայքարին սովետական ժողովրդի ակտիվ մասնակիցներ:

Պլենումը բացեց Ի. Էրենբուրգը, հայտնի լով, որ նրա նպատակն է քննարկումը այն հարցի, թե խաղաղության սովետական մարտիկները ինչպես կարող են նպաստել խաղաղության Համաշխարհային Խորհրդի Բուդապեշտի սեսիայում ընդունված որոշումների իրականացմանը:

Պլենումի օրակարգն է՝ խաղաղության Համաշխարհային Խորհրդի սեսիայի արդյունքները և ՍՍՌՄ-ի խաղաղության պաշտպանության կոմիտեների խնդիրները: Այնուհետև ղեկուցումով հանդես եկավ խաղաղության պաշտպանության Սովետական կոմիտեի նախագահ Ն. Ս. Տիխոնովը, մանրամասն լուսաբանելով խաղաղության Համաշխարհային Խորհրդի Բուդապեշտի սեսիայի արդյունքները, որը նոր ուղիներ նշեց բոլոր միջազգային տարածայնությունների խաղաղ կարգավորման համար մղվող պայքարում և նպաստեց խաղաղության կողմնակիցների ճակատի ընդլայնմանն ու ամրապնդմանը:

Ձեկուցողը շեշտեց միջազգային վիճելի հարցերը ուժի փոխարեն բանակցությունների միջոցով լուծելու գիտակցության հետզհետե ավելի ուժեղ ամրապնդումը ժողովուրդների մեջ և մանրամասն ծանրացավ այդ ուղղությամբ խաղաղության Համաշ-

խարհային Խորհրդի Բուդապեշտի սեսիայի ընդունված Դեկլարացիայի վրա: Նա անդրադարձավ նաև սեսիայի ընդունված դիմումին, որով կոչ է արվում ժողովուրդներին՝ իրենց կառավարություններից պահանջել, որ նրանք բանակցությունների միջոցով համաձայնություն գան:

Ձեկուցողը բացատրեց, թե ինչպես լայնորեն և տարբեր ձևերով ծավալվում է զանազան երկրներում բանակցությունների օգտին մղվող համաշխարհային շարժումը: Այդ շարժումը լայն արձագանք և պաշտպանություն է գտնում միջազգային զանազան դիմոկրատական կազմակերպություններում:

Ն. Ս. Տիխոնովն ընդգծում է խաղաղության կողմնակիցների շարժման ձեռք բերած որոշակի հաջողությունները, ինչպիսին Կոնսալում կնքված գինադադարն է, որը, սակայն, ամրապնդվելու համար կարիք ունի խաղաղության մարտիկների աշխույժ հսկողությամբ, որպեսզի չարակամ ուժեր նորից հրդեհ չարժարժեն:

Ձեկուցողը ընդգծում է սովետական ժողովուրդների մեծ դերը խաղաղության պաշտպանության և ամրապնդման գործում և թվարկում Սովետական կառավարության խաղաղասիրական քաղաքականության ներքին և արտաքին բարերար արդյունքները:

Ն. Ս. Տիխոնովը հայտնում է, թե սովետական մարդիկ պատրաստ են բոլոր միջազգային հարցերը բանակցությունների միջոցով կարգավորելու օգտին պայքարն ընդլայնելու և այն ակտիվորեն պաշտպանելու:

խաղաղության պաշտպանության Սովետական կոմիտեն, հայտարարում է Ն. Ս. Տիխոնովը, համոզմունք է հայտնում, որ խաղաղության պաշտպանության ռեսպուբլիկական, մարզային և երկրամասային կոմիտեները փրկեց ընդլայնված պլենումներում, տեղական հասարակական կազմակերպությունների ներկայացուցիչների մասնակցությամբ կքննարկեն իրենց խնդիրները խաղաղության

Համաշխարհային խորհրդի որոշումների լույսի տակ, որ այդ որոշումները կբնարկվեն աշխատավորների ժողովներում՝ յուրաքանչյուր ձեռնարկությունում, կոլտնտեսությունում, հիմնարկությունում, ուսումնական հաստատությունում:

Բոլոր երկրների ժողովուրդների հայացքները, վերջում ասում է ղեկուցողը, ուղղված են Սովետական Միությանը՝ մեր խաղաղասեր տերությանը, որը անսասնորեն վարում է պատերազմը կանխելու և խաղաղությունը պահպանելու քաղաքականություն: Սովետական ժողովուրդը լի է վստահությամբ իր ուժերի նկատմամբ:

Պատերազմի ուժերը պետք է նահանջեն: Թո՛ղ ամբողջ աշխարհում հաղթանակի խաղաղ բանակցությունների ոգին:

Մտքերի փոխանակությունն ավարտվելուց հետո պլենումը միահամուռ կերպով հավանություն տվեց Ն. Ս. Տիխոնովի ղեկուցման վերաբերյալ բանաձևին և որոշեց այս տարվա ղեկտեմբերին հրավիրել խաղաղության կողմնակիցների հինգերորդ համամիութենական կոնֆերենցիան:

(Քաղված «ՍՈՎԵՏԱԿԱՆ ՀԱՅԱՍՏԱՆ»-ի 1953 թվականի սեպտեմբերի 1-ի ՏԱՍՍ-ի հաղորդագրությունից)

ԽՍՀՆՎՈՒԹՅԱՆ ՀԱՄԱԺՈՒՐԴՆԵՐԻ ԽՈՐՀՐԴԻ ԲՅՈՒՐՈՑԻ Բ Ն Ն Ա 2 Ե Վ Ը

Վիեննա, 11 սեպտեմբերի (ՏԱՍՍ).— Խաղաղության Համաշխարհային խորհրդի Բյուրոն իր սեփական ընդունեց հետևյալ բանաձևը:

Խաղաղության Համաշխարհային խորհրդի Բյուրոն, որ հավաքվել է պատերազմական դործողությունները կորեայում դադարեցնելուց հետո առաջին անգամ, որոշումում է խաղաղության դործի այդ հաղթանակը:

Բյուրոն քննարկեց խաղաղության Համաշխարհային խորհրդի կողմից 1953 թվականի հունիսի 20-ին սկսված Կամպանիայի ընթացքը: Խորհուրդը ժողովուրդներին կոչ էր արել պահանջել իրենց կառավարություններից, որպեսզի նրանք ձեռնամուկ լինեն բանակցությունների մեջ մտնելու և համաձայնության դալու իրար հետ: Այդ կոչի նկատմամբ հասարակական կարծիքի վերաբերմունքը ցույց է տալիս, որ խաղաղության Համաշխարհային խորհուրդը արտահայտել է մարդկության խոր իղձերը: Այսօր պետական ոչ մի գործիչ չի համարձակվում այլևս բացելուց առարկել բանակցությունների դեմ:

Սակայն վերջին ժամանակների իրադարձությունները խաղաղության Համաշխարհային խորհրդի Բյուրոյի վրա պարտականություն են դնում ժողովուրդներին զգուշացնելու: «Բանակցություններ» բառը չափազանց հաճախ է կիրառվում միջազգային վեճերի խաղաղ լուծման դեմ ուղղված միջոցառումները քողարկելու համար: Առաջ քաշել նախնական պայմաններ և ցանկանալ վաղորդ պարտադրելու բանակցությունների ձևն ու բովանդակությունը՝ չի նշանակում բանակցություններ վարել: Այն ձգտումը, որ կորեայի վերաբերյալ բանակցությունների

նախորդի սեպարատ պայմանագրի կնքումը Լի Սին Մանի հետ, որը հրաժարվել է ղեկավարարից, Հնդկաստանին թույլ չտալ մասնակցելու քաղաքական կոնֆերենցիային, Գերմանիայի վերաբերյալ որևէ բանակցություն բացվելուց առաջ սրահանջել դերմանական միջխտարիզմի վերածնման համաձայնություն՝ դա նշանակում է ցանկանալ, որ համաձայնությունը անհնար դառնա:

Մենք ժողովուրդներին կոչ ենք անում թույլ չտալ, որ որևէ պատրվակով վերոկալի պատերազմը կորեայում և հասնել նրա դադարեցմանը Հնդկաչինում: Ասիայում և Աֆրիկայում շատ ժողովուրդների անկախության և անվտանգության դեմ իրականացվող բռնի դործողությունները պետք է դադարեցվեն հագուտ խաղաղության շահերի:

Ժողովուրդները չեն համաձայնի, որպեսզի Գերմանիայում վերածնվի պատերազմի օջախը, որը սպառնալիքի տակ կդնեն Գերմանիայի բոլոր հարևաններին, իրեն՝ գերմանական ժողովուրդին և ամբողջ աշխարհի խաղաղությունը:

Ժողովուրդները ցանկանում են անկեղծ բանակցություններ, բոլոր բնագավառներում ամենքի համար ընդունելի որոշումների հիման վրա համաձայնության հասնելու անկեղծ ձգտում:

Նրանք պահանջում են պահպանել ՄԱԿ-ի Կանոնադրությունը: Նրանք պահանջում են, որպեսզի Չինական ժողովրդական Ռեսպուբլիկան տեղ գրավի Միավորված Ազգերի Կազմակերպությունում, որի իրավունքը նա ունի: Նրանք գտնում են, որ միջազգային կարևոր պրոբլեմների լուծումը և խաղաղության հաստատումը ձեռք բերվել չեն

կարող առանց Չինաստանի մասնակցության: Այն սարսափելի վտանգը, որ մարդկության համար ներկայացնում է ջրածնային ումբը, պահանջում է անհապաղ արգելել մասսայական ոչնչացման ամեն մի զենք:

Ռազմական ծախսերի անտանելի և վտանգավոր բեռը պետք է թեթևացվի զինաթափման վերաբերյալ միջազգային համաձայնության միջոցով: Ժամանակն է հավասար սկզբունքներով վերականգնել առևտուրը բոլոր երկրների միջև՝ նրանց փոխադարձ շահավետության և բոլորի կենսապայմանների արագ բարելավման համար: Ժամանակն է

վերականգնել համագործակցությունը բոլոր երկրների միջև: Անհրաժեշտ է մարդկության առաջ բաց անել նոր հեռանկարներ:

Նաղաղության Համաշխարհային խորհրդի Բյուրոն վստահությամբ դիմում է ժողովուրդներին, որոնք կարողացան զինադադարի հասնել Կորեայում: Նա նրանց կոչ է անում միավորվել և կոորդինացնել իրենց ջանքերը՝ ուժի քաղաքականությունը վիժեցնելու և կառավարությունների միջև համաձայնության հասնելու համար:

Վիեննա, 10 սեպտեմբերի 1953 թ.

(«ՍՈՎԵՏԱԿԱՆ ՀԱՅԱՍՏԱՆ», 16 սեպտեմբերի 1953 թ.)

ԽՍՀՄՂՈՒԹՅԱՆ ՊԵՇՏՊԵՆՈՒԹՅԱՆ ՀԱՅԱՍՏԱՆ ՌԵՍՊՈՒԲԼԻԿԱԿԱՆ ԿՈՄԻՏԵԻ ՊԼԵՆՈՒՄԸ

Սեպտեմբերի 15-ին Հայկական ՍՍՌ Գիտությունների ակադեմիայի նիստերի դահլիճում տեղի ունեցավ Նաղաղության պաշտպանության Հայկական ռեսպուբլիկական կոմիտեի ընդլայնված պլենումը հասարակական, սովետական, պրոֆմիութենական կազմակերպությունների ներկայացուցիչների մասնակցությամբ:

Պլենումը քննության առավ Նաղաղության պաշտպանության Համաշխարհային խորհրդի Բուդապեշտի սեսիայի և Նաղաղության պաշտպանության Սովետական կոմիտեի ընդլայնված պլենումի բանաձևերը:

Բացելով նիստը, Հայաստանի Պրոֆեսիոնալ միությունների խորհրդի նախագահ ընկ. Կ. Ռուֆիկյանը այդ հարցի մասին ղեկուցման համար խոսքը տալիս է Հայկական ՍՍՌ Գիտությունների ակադեմիայի պրեզիդենտ, Նաղաղության պաշտպանության հայկական ռեսպուբլիկական կոմիտեի նախագահ ընկ. Վ. Համբարձումյանին:

— Վերջին շրջանում, — ասում է ղեկուցողը, — միջազգային հարաբերությունների բնագավառում երևացել են գոյություն ունեցող լարվածությունների մեղմացման որոշ նշաններ: Սովետական կառավարության այն հայտարարությունը, թե այսօրվա միջազգային դրության ամեն մի վիճելի կամ չլուծված հարց կարող է լուծվել խաղաղ ճանապարհով, ոգեշնչում է աշխարհի բոլոր խաղաղասեր մարդկանց, որ ավելի ուժեղացնեն պայքարը նոր պատերազմի նախապատրաստման դեմ՝ խաղաղության գործի հաղթանակի համար: Սովետական կառավարության այդպիսի դիրքը հարյուր միլիոնավոր մարդկանց առաջ բացահայտում է այն

պարզ ճշմարտությունը, որ պատերազմը անխուսափելի չէ, որ պատերազմի ձգտում են միայն հանցավոր ունակներն տարբեր կասկածախուսական երկրներում, որոնց համար պատերազմը բացում է նոր շահույթների հեռանկարներ:

Այնուհետև ղեկուցողը հանգամանորեն կանգ է առնում Նաղաղության պաշտպանության Համաշխարհային խորհրդի սեսիայի, ինչպես նաև Նաղաղության պաշտպանության Սովետական կոմիտեի պլենումի բանաձևերի վրա: Սովետական ժողովուրդը միահամուռ կերպով հավանություն է տալիս այդ բանաձևերին և էլ ավելի ուժեղացնում է իր պայքարը խաղաղության գործի ամրապնդման համար ամբողջ աշխարհում:

Ամբողջ սովետական ժողովուրդը համամիտ է իր կառավարության այն տեսակետին, որ գոյություն չունեն այնպիսի վիճելի և չլուծված միջազգային հարցեր, որոնք հնարավոր չէ լուծել, կարգավորել խաղաղ ճանապարհով: Սովետական Միությունում ամենուրեք տեղի են ունենում աշխատավորների բազմամարդ ժողովներ, որոնք միահամուռ կերպով հավանություն են տալիս Նաղաղության պաշտպանության Համաշխարհային խորհրդի սեսիայի որոշումներին և Նաղաղության պաշտպանության Սովետական կոմիտեի պլենումի բանաձևին:

Նաղաղության պաշտպանության Համաշխարհային խորհրդի սեսիայի բանաձևը լայն արձագանք գտավ ողջ աշխարհի պրոգրեսիվ մարդկության շրջանում: Գնալով ամրապնդվում է խաղաղության կողմնակիցների լազերը, ակտիվանում է պայքարը խաղաղության պաշտպանության համար Ֆրան-

սիայում, ԱՄՆ-ում, Անգլիայում, Բրազիլիայում, Յապոնիայում, Չիլիում, Հնդկաստանում և այլ երկրներում:

Մակայն խաղաղության լազերի ակտիվացման հետ միասին ակտիվանում է միջազգային ռեակցիան՝ ամերիկա-անգլիական ագրեսորների գլխավորությամբ: Այդ մասին են վկայում բունդեստագի վերջին ընտրությունները Արևմտյան Գերմանիայում, կորեական ժողովրդի ոխերիմ թշնամի, ամերիկյան իմպերիալիզմի հիւսկամակատար Լի Սին Մանի ռազմատենդ ձգտումները:

խաղաղության կողմնակիցները համախմբում են իրենց ուժերը հակահարված տալու միջազգային ռեակցիայի ոտնձգություններին, ուժեղացնելու պայքարը ամբողջ աշխարհում խաղաղության գործի ամրապնդման համար, միջազգային բոլոր վիճելի հարցերը խաղաղ ճանապարհով լուծելու համար:

— Մեր կոմիտեի խնդիրն է, — ասում է ղեկուցողը, — լայն կամպանիա կազմակերպել ռեսպուբլիկայում հոգուտ այդ բանաձևերի, հոգուտ խաղաղության պաշտպանության: Սովետական ամբողջ ժողովրդի հետ միասին հայ ժողովուրդը իր ձայնն է բարձրացնում պահանջելով բոլոր երկրների կառավարություններից խաղաղ ճանապարհով լուծել գոյություն ունեցող միջազգային հարցերն ու տարաձայնությունները: Երկար դարերի ընթացքում մեր ժողովուրդը ենթակվել է օտարերկրյա զավթիչների հարձակումներին, որոնք հսկայական վնասներ են հասցրել մեր երկրին: Միայն սովետական կարգերի հաստատումը հնարավորություն տվեց հայ ժողովրդին անցնել խաղաղ շինարարական աշխատանքի, զարգացնելու և շտեմնաված բարձունքների հասցնելու իր տնտեսությունը, կուլտուրան: Ահա թե ինչու հայ ժողովուրդը, սովետական բոլոր ժողովուրդների հետ միասին, բարձր է գնահատում խաղաղությունը, իր ամբողջ էությունը դնում է պատերազմին:

Ձեկուցումը վերջացած է: Առաջինը խոսք է վերցնում գրող Դ. Դեմիրճյանը:

— խաղաղության գաղափարը անսահման ուժեղ է և մարդկանց սրտերին՝ հարազատ: Ահա թե ինչու այդ գաղափարը նվաճում է նորանոր կողմնակիցներ ամբողջ աշխարհում: Աճում, ամրապնդվում և հզորանում է խաղաղության կողմնակիցների լազերը՝ Սովետական Միության գլխավորությամբ: Սովետական ժողովուրդը, այդ թվում և հայ ժողովուրդը, խաղաղության պաշտպանությունը տեսնում է իր շինարար, ստեղծագործական աշխատանքի մեջ: Նա ամբողջովին միանում է միջազգային հարցերը խաղաղ ճանապարհով լուծելու պահանջին:

Ամբիոնի մոտ է Երևանի Կիրովի անվան գործարանի առաջավոր բանվոր Ա. Ղարիբյանը:

— Մեր գործարանի աշխատողները, — ասում է նա, — ամբողջ սրտով պաշտպանում և հավանություն են տալիս հարազատ Սովետական կառավարության խաղաղափրական քաղաքականությանը, որովհետև խաղաղությունն ամրապնդում է մեր երկրի հզորությունը: Համակված խաղաղության պաշտպանության ձգտումներով, մեր գործարանի կոլեկտիվը աշխատում է անձնվիրաբար և ընթացիկ տարվա անցած ութ ամսվա բոլոր արտադրական առաջադրանքները կատարել է պատվով:

Խոսք է վերցնում ՍՍՌՄ Բժշկական ակադեմիայի և Հայկական ՍՍՌ Գիտությունների ակադեմիայի իսկական անդամ Լ. Հովհաննիսյանը:

— Չկան այնպիսի հարցեր, — ասում է նա, — որ կարելի չլինի լուծել խաղաղ ճանապարհով, չկան այնպիսի հարցեր, որոնց լուծման ժամանակ բուն ուժը գերազանցի իրավունքին: Բարի կամքի տեր բոլոր մարդիկ չեն ցանկանում մարդկության կուտակած կուլտուրական արժեքների ոչնչացումը, մասսայական կոտորածներ: Մեզ՝ գիտության աշխատողներին համար առանձնապես ցավալի է այն, որ համաշխարհային ցնցումների կազմակերպիչները գիտության մեծ նվաճումներն օգտագործում են ոչ թե մարդկության երջանկության ու բարօրության համար, այլ ռազմական կործանարար նպատակների համար: Կապիտալիստական երկրներում գիտության մեծագույն հայտնագործությունները պատերազմի հրձիգների ձեռքում դառնում են մարդկության համար իսկական զգախտություն:

— Ի հակադրություն նոր պատերազմի հրձիգների, — շարունակում է ընկ. Հովհաննիսյանը, — աճում և ամրապնդվում է խաղաղության կողմնակիցների լազերը: Մարդկության պատմությունն անցյալում երբեք չի տեսել կոլեկտիվ համերաշխության այնպիսի հզոր արտահայտություն, ինչպիսին է խաղաղության կողմնակիցների շարժումն ամբողջ աշխարհում: Այդ լազերը կհաղթի պատերազմի հրձիգներին և կնվաճի խաղաղությունը: Հավանություն տալով խաղաղության պաշտպանության Համաշխարհային խորհրդի Բուդապեշտի սեսիայի և խաղաղության պաշտպանության սովետական կոմիտեի պլենումի բանաձևերին, մեր ռեսպուբլիկայի աշխատավորները եռանդուն պայքար կծավալեն հոգուտ խաղաղության պաշտպանություն:

Խոսքը տրվում է Արտաշատի շրջանի Ն. Դվին գյուղի «Շինարար» կոլտնտեսության օղակավարուհի, Սոցիալիստական Աշխատանքի Հերոս Վիկտորիա Մարգարյանին:

— Հայաստանի կոլտնտեսային գյուղացիությունը, — ասում է նա, — ջերմորեն հավանություն է տալիս Խաղաղության պաշտպանության Համաշխարհային Խորհրդի Բուդապեշտի սեսիայի և Խաղաղության պաշտպանության Սովետական կոմիտեի պլենումի բանաձևերին: Հայաստանի կոլտնտեսականները ոչ մի ջանք չեն խնայի պայքարելու կայուն և տևական խաղաղության համար:

Մեր պարտիան և Սովետական կառավարությունը ստեղծել են բոլոր պայմանները ապահովելու սովետական ժողովրդի խաղաղ ստեղծագործ աշխատանքը: Այդ մասին են մի անգամ ես վկայում Սովետական Միության Կոմունիստական պարտիայի Կենտրոնական Կոմիտեի վերջին պլենումի որոշումները սոցիալիստական գյուղատնտեսության հետագա զարգացման միջոցառումների մասին և ՍՍՄԿ Գերագույն Սովետի հինգերորդ սեսիայի ընդունած օրենքը գյուղատնտեսական հարկի մասին: Այդ երկու փաստաթղթերը կրկին ու կրկին ապացուցում են Սովետական Միության խաղաղասիրական քաղաքականությունը: Ամբողջ աշխարհի աշխատավոր ժողովուրդների համար պարզ է Սովետական կառավարության այդ քաղաքականությունը, որի նպատակն է ամեն կերպ բավարարել ժողովրդի անընդհատ աճող նյութական ու կուլտուրական պահանջմունքները: Այդ քաղաքականությունը հանդիսանում է մեր պետության խաղաղ ձգտումների լավագույն վկայությունը և արժանանում է բոլոր սովետական մարդկանց ջերմ հավանությանը:

Ամերիկա-անգլիական ագրեսորներին չի հաջողվի աշխարհի ժողովուրդներին քաշել

արյունալի նոր սպանդի մեջ: Խաղաղության ուժերը՝ Սովետական Միության զխավորության մեջ կհաղթանակեն և կապահովեն տևական խաղաղությունը ամբողջ աշխարհում:

Ելույթ է ունենում Երևանի էլեկտրամեքենաշինական գործարանի կոմսոմուլի կոմիտեի քարտուղար Ռոզա Սուլուտյանը: Նա ասում է.

— Սովետական երիտասարդությունը դեմ է պատերազմին, նա ամբողջովին միանում է Խաղաղության պաշտպանության Համաշխարհային Խորհրդի սեսիայի և Խաղաղության պաշտպանության Սովետական կոմիտեի պլենումի բանաձևերին:

Խաղաղության պաշտպանության Համաշխարհային Խորհրդի սեսիայի և Խաղաղության պաշտպանության Սովետական կոմիտեի պլենումի բանաձևերի օգտին ջերմ ելույթներ ունեցան տեղական արդյունաբերության բանվորների պրոֆմիտիայի ղեկավարի կազմի կոմիտեի նախագահ ընկ. Յ. Խուրդյանը, ուսուցիչ Ա. Մնացականյանը:

Խաղաղության պաշտպանության Սովետական և Ռեսպուբլիկական կոմիտեների անդամ Ամենայն Հայոց Կաթողիկոս Գեորգ Զ. ի հանձնարարությամբ հիշյալ բանաձևերի պաշտպանության օգտին ճառով հանդես եկավ Վահան արքեպիսկոպոս Կոստանյանը: Կանանց անունից ելույթ է ունենում բանաստեղծուհի Մարո Մարգարյանը:

— Աշխարհի բոլոր մայրերը, — ասում է նա, — իրենց կյանքը չեն խնայի խաղաղության համար: Իրենց երեխաների հրաշանություն համար:

Մ. Մարգարյանը խոսքն ավարտում է խաղաղությանը նվիրված իր նոր բանաստեղծության արտասանությամբ:

Այնուհետև պլենումը ընդունում է բանաձև, որն ընթերցում է բանաստեղծ Ն. Զարյանը:

